

# جَزَائِدُ مَحَاكِمَتِ

۱۲۹۰

۱۶۵

## ❖ صالٰی ❖

| نومرو | ربیع الآخر | سنه  | مارت | سنه  | صحیفه |
|-------|------------|------|------|------|-------|
| ۱۴۰   | ۲۳         | ۱۲۹۹ | ۲    | ۱۲۹۸ | ۱۱۱۳  |

❖ اشبو غزته بهر هفته صالی کونلری چیقار . سنه لکی مجیدی اچمه التمش غروشدر بهر نسخه سی التمش  
❖ پاره مجیدی به اوله رق هر یرده صاتیلور . درج اولنه جق اعلاناتک بهر سطرندن ایکی غروش النور .  
❖ سنه لکنه مشتری اولوق استیانلر عدلیه نظارت جلیله سی اوراق مدیر لکنه مراجعت ایملیدر ❖

### ( توجیہات عدلیه )

بولنان عزتلو ثروت بکه  
دیار بکر ولایتی عدلیه مفتشلکی ادرنه ولایتی محکمه  
استینافیه سی جزا دائره سی رئیس سابق عزتلو سری  
افندی به  
طاشلیجه بدایت محکمه سی جزا دائره سی ریاستی  
بوی آباد قضاسی نائی و بدایت محکمه سی رئیس  
سابق مکرمتلو محمد رحمی افندی به توجیه بیورلشدر

ارضروم تجارت محکمه سی ریاستی محکمه مذکوره  
اعضای دائمه سندن حاجی عبد الله افندی به  
سیروز تجارت محکمه سی ریاستی سلانیک تجارت  
محکمه سی اعضای دائمه سندن احمد افندی به  
در سعادت بدایت محکمه سی اجرا مأموری سعادتلو  
مثیل افندی نک یالکز اعلانات شرعیه اجرا سنه حصر  
مأموریتیله محکمه مذکوره اجرا مأموریتی معاونا لکنده

( آرون بابانی ایله داوید مجار بیننده متکون امنیتی سوء استعمال دعواسندن طولانی استیناف جنحه )  
( محکمه سندن تنظیم اولنان اعلامک جریده محاکمه درج ایدیلان نسخه سنده کوریلان سهو و خطا لک )  
تصحیحی مبین جدولدر

| صحیفه | ستون | سطر | خطا  | صواب |
|-------|------|-----|------|------|
| ۱۰۵۸  | ۲    | ۱۶  | مالی | مالی |

| صفحه | ستون | سطر | خطا                  | صواب                      |
|------|------|-----|----------------------|---------------------------|
| ۱۰۵۸ | ۲    | ۱۸  | بیانی                | بابی                      |
| ۱۰۵۹ | ۱    | ۱۰  | عباره سندن           | عباره سی                  |
| ۱۰۵۹ | ۲    | ۱۱  | ایرا ضرر وزیران بدلی | ایرا ایله ضرر وزیران بدلی |
| ۱۰۶۰ | ۱    | ۰۸  | نویزالی              | مویزالی                   |
| ۱۰۶۰ | ۱    | ۲۱  | برقصوره              | برقصده                    |
| ۱۰۶۰ | ۱    | ۲۹  | تفالینک              | نفتالینک                  |
| ۱۰۶۰ | ۲    | ۱۰  | براقق تکلیف          | براقق اوزره تکلیف         |
| ۱۰۶۰ | ۲    | ۲۸  | شق بیان ایله رک      | شق تاریخی بیان ایله رک    |
| ۱۰۶۰ | ۲    | ۲۹  | سؤال اولنوب حقوقک    | سؤال اولنوب حقوقک         |
| ۱۰۶۳ | ۱    | ۰۷  | نویزالی              | مویزالی                   |
| ۱۰۶۳ | ۲    | ۰۶  | فقریه                | قفیه                      |
| ۱۰۶۴ | ۲    | ۲۷  | محاکم                | محاکمه                    |
| ۱۰۶۵ | ۲    | ۰۱  | شخصینی               | شخصیسی                    |
| ۱۰۶۶ | ۱    | ۲۶  | نسیم                 | بیم                       |
| ۱۰۶۸ | ۱    | ۲۵  | داودک                | داویدک                    |
| ۱۰۷۰ | ۱    | ۲۲  | ایسه ده بونولر       | ایسه ده بونولر            |
| ۱۰۷۱ | ۱    | ۰۷  | غروش                 | غروشک                     |

( فی ۲۴ ربیع الاول سنه ۹۹ وفی ۱ شباط )  
 ( سنه ۹۷ تاریخی محکمه تمیز حقوق دائره )  
 ( سندن ویریلان اعلامک صورتیدر )

اهالی سندن پراشکوه و پاپاس انسطاش و حاجی استوقوری اوغلی صوه و پراش اوغلی پاولی و طمبور اوغلی ایلیا و پاپاس اوغلی میخائل طرفلرندن محکمه تمیز حقوق دائره سنه اعطا قلنان عرضحال و منفرا تنده استدعا و باب عالی جوارنده قرق اوج نومرولی دکانده مقیم صوه رومی افندی امضاسی وفی ۲۹ اغستوس سنه ۲۹۷ تاریخی حاری برقطعه مصدق کفالتنامه اعطاسیله تأمینات لازمه ایفا قلنش و متعاقباً مستدعیلرندن پراشکوه نفسندن اصالة و مرقومون پاپاس انسطاش و حاجی استوقوری

اماسیه سنجاغنه تابع لادیق قضاسنک جامع جدید محله سی اهالی سندن قوجه علی اوغلی احمد اغا و همشیره سی فاطمه خانم ایله بیئرلنده متحدت دعوایه دائره اماسیه بدایت محکمه سندن استینافاً ویریلان فی ۱۳ رجب سنه ۹۸ تاریخی اعلامک تمیزاً رؤیت و تدقیق قضاء مذکوره تابع حاجی کوی

اراضی منازع فیهای اهالی مرقومه نك سنوی یوز غروش نقد و معلوم الکیل ذخایر متنوعه و بر مقدار حطب و صمان اعضا ایتمک مقاوله سیله سکر سنه لک ازلق اوزره مرقوم احمد اغادن استیجار ایتدکری فی ۱ کانون ثانی سنه ۹۷ تاریخی و مرقومون پراشکوه و انسطاش و صوه و پاولی و ایلیا و میخائل امضارینی حاوی اغای مرقوم جانبندن ابراز اولنوب امضا و مالی تحت تصدیق و اعترافلرنده بولنان استیجار سندی و سنه بسنه بر موجب مقاوله بدل ایجار اولان ذخایری اعطا و تسلیم ایتمکده اولدقلری حقتده سبق ایدن اقرارلری ایله تین و تحقق ایلمش و مذکور اورمانلری اهالی مرقومه نك کندولری احیا و کشاد ایلدکلرینه دائر اولان ادعاری دخی مجله احکام عدلیه نك بیک التیوز اونجی ماده سی حکمنجه واهی بولنش اولدیغندن اعای مذکورک ردیله برابر بدل ایجار اولان شیر از تسلیم طقوز کیله التي بیق اولچک حنطه ایله اون برکیله یدی اولچک شعیر و اون ایکی جیر و یوز غروش و یدی چتان صمان و اون درت عرب حطی مرقوم احمد اغایه اعطا و تسلیم ایتملری لازم کله جکنه دائر لادیق بدایت محکمه سندن لاحق اولان حکم و اعلام علیه نده اهالی مرقومه جانبندن استیناف دعواسنه قیام اولنش ایسه ده مرقوم احمد اغانک تصرفنی مبین اولان بالاسی طغالی طاپو سنداتیله برقطعه اعلام شرعی و کشف و معاینه ضمننده محل منازع فییه اعزام اولنان امور- ینک اولبایده ویردکری راپورتو مال و مندرجاته نظراً اراضی منازع فیهای مرقوم احمد اغانک مذکور چقتلکی حدودنده و تحت تصرفنده اولوب اهالی مرقومه نك بالاده بیان اولدیغنی صورته مستاجر بولندقلری اکلاشلدیغندن اولبایده کی استیناف

اوغلی صوه و پراش اوغلی پاولی و طمبور اوغلی ایلیا و پاپاس اوغلی میخائل طرفلرندن مصدق سندله وكالة دائره به مراجعتله لاجل المحاکمه مرقومان احمد اغا و فاطمه خانمک جلب و احضار بینی طلب ایلمش اولدیغندن اولبایده تنظیم و تبلیغ ایتدیر یلان دعوتیه و رقه سی اوزرینه مدعی علیه مادم احمد اغا اصالة و همشیره سی مزبوره جانبندن باسند مصدق وكالة کلش اولدیغنی حالده مرقوم پراشکوه کلامش و مرقوم احمد اغانک طلبیه مرقوم پراشکوه نك تمیز استدعا نامه سنده بیان ایلدیکی غلطه ده محمد علی پاشا خاننده یکریمی اوج نومرولی اقامتگاهنه کوندیریلان دعوتیه و رقه سی زیرینه ذکر اولنان محله پراشکوه نامنده برکسنه بولندیغنی خان مذکور او طه باشیسی جانبندن شرح و یریله رک تختم قلنش اولدیغنه و مرقوم احمد اغا حکم نظامک اجراسنی طلب ایدوب تبلیغ واقع دخی قانونه موافق و درجه کفایه ده کورندیکنه بناه اصول محاکمه حقوقیه قانون موقتک ایکوز یکریمی طقوزنجی ماده سی موجبجه عن الغیاب تدقیقات تمیزیه اجراسنه ایتدار و اوراق موجوده بعدالقرائه اولبایده اولان ادعا و افاده سی مرقوم احمد اغادن استفسار قلندی

اعلام مذکورک نتیجه حکمی مرقوم احمد اغانک همشیره سیله برابر باطاپو انتقالاً تحت تصرفلرنده بولنان قریه مذکوره ده واقع برقطعه چقتلکه مربوط اراضی جوارنده واقع بعض اورمانلره قریه مرقومه اهالیسی جانبندن وقوعه کلان مداخله نك منعی حقتده اقامه ایتدیکی دعوی اوزرینه اجرا قلنان تدقیقات نتیجه سنده اراضی مذکوره ایله مذکور اورمانلرک ادعاسی وجهله مرقوم احمد اغانک پدردندن انتقالاً باطاپو تحت تصرفنده اولان مذکور چقتلک داخلنده اولوب

دعوائیك دخي رد اوله رق حكم ابتدائی مذكورك  
 تصديق ايدليكندن عبارتدر  
 مستدعيلر وكيلى پراشكوه جانندن اعطا ايدلمش  
 اولان لايحه ده محرر اعتراضاتدن باشلوجه سي اماسيه  
 محكمه سنجه مدار حكم اتخاذ اولنان اعلام شرعيناك  
 مأل ومندرجاتي ندن عبارت اولديغي تنظيم اولنان  
 اعلامه كوسترلك و كندولر يلك بوكا قارشو برادعا  
 وافاده لري اولوب اولديغي سؤال واستفسار اولنق  
 لازمه دن بولنش و خصم لري مزبور احمد اغانك  
 تمسك واستناد ايلديكي طابو سنداتي شك وشهه دي  
 داعي اولمسيه بونلر حقنده تدقيقات اجراسي ايجاب  
 ايلش اولديغي و كندولر يلك استيجار ايتدك لري  
 اراضي انجق اون كيله لك معلوم الحدود براراضي  
 او اوب اخير امر قوم احمد اغان جانندن جبراً كندولرينه  
 امضا ايتدير يلان استيجار سندلر يلك شرعاً ونظاماً  
 مقبول اوله ميه جغي دركار بولنديغي حاله محكمه  
 مرقوه جه سالف الذكر اعلام شرعي حقنده كي  
 افاده لري استفسار واستنبا وطابو سنداتيله ايجار  
 واستيجار سندلر يلك محتاج اولديغي تدقيقات و تحقيقات  
 اجرا قلمتسرين و مرقوم احمد اغانك كندولرندن  
 بدل ايجار ناميله استديكي قدر ذخيره المقده اولديغي  
 يوانده وتظلم حال مقامنده عندالحاكمه بيان ايتدك لري  
 افاده زندن اقرار معناسي استنباط اولنغله برابر محل  
 منازع فيهه اعزام ايديلان مأمورلر و يردك لري  
 راپورتو مندرجاتك ندن عبارت اولديغي و محكمه نك  
 بو بابه رأی ومطالعهي نه ايدوكي بيان و كرك اشبو  
 راپورتو و كرك جهات ساثره حقنده كندولر يلك  
 ده ابرافاده واعتراضلري اولوب اوليه جغي سؤال  
 ايدلكسرين ختام محاكمه نك تفهيميله بوجه محرر  
 حكم و قرار و يرلسي اصول وقانونه كلياً مغاير ومخالف

اولديغندن بختله اعلام مذكورك نقضی استدعاسی  
 حاويدر  
 مدعي عليه احد اغانك تيجمه جوابي دخي اراضي  
 منازع فيها نك من القديم كندوسيله همشيره نك  
 عهده تصرفنده بولنديغي محلي قيوداته مستند  
 اولان بالاسي طغرافي طابو سنداتيله تين و تحق  
 ايتش اولديغي مثلو مستدعيلر اراضي مذكوره دي  
 مستاجر صفتيله زراعت ايتدكده بولندك لري دخي كندو  
 امضالري تحننه بولنان ايجار واستيجار سندلري  
 وسنه بسنه بدل ايجاري اعطا ايديه كادك لري حقنده  
 سبق ايدن اقرار و اعترافلري ايله مرتبه ثبوت  
 واصل اولش اولديغنه واشبو سندات و اوراق  
 هيچ بر صورتله شك وشهه دي داعي اوليوب رسمي  
 و مصدق وشايان اعتبار اوله رق مذكور اماسيه  
 محكمه سنجه دخي اوراق مرقومه مندرجاته و اولبايه  
 اجرا ايديلان تدقيقات و تحقيقاته استناداً بوجه  
 محرر حكم و قرار و يرلسي بولنده و اصول وقانونه  
 موافق صورتده ايدوكنه بناء مستدعيلر ك  
 اعتراضات مذكوره سي واهي كورنش اولديغي  
 بياتيله اعتراضات مجبوت نك ردی و اعلام مذكور  
 حكمنك تصديق طابو محتويدر  
 بونك اوزرينه بالاده محرر ادعا وافاده سي خارجنده  
 بشقه برديه جي اولديغي مرقوم احمد اغانك لري  
 السؤال الاشلسيله امر محاكمه نك ختام بولديغي  
 كندوسنه تفهيم اولندي  
 ايجابي لري المذاكره سالف الذكر اماسيه بدايت محكمه  
 سنجه مرقومون پراشكوه وانسطاش وصوه و پاوي  
 و ايليا و ميخائل جانندن مداخله اولنان مذكور اراضي  
 و اورمانلر مرقوم احمد اغانك انتقالا تحت تصرفنده  
 اولان چقتلكه تابع اوله رق مرقومونك بو بابه

مستاجر بولندك لري اغاي مرقومك ابراز ايلديكي طابو  
 سنداتي و استيجار سندی و اعلام شرعي و اوراق  
 ساثره ايله تين و تحق ايتش اولديغي كوستر يله رك  
 مرقومونك تصرف ادعالر يلك ردی و بدل ايجار  
 اوله رق كندولرندن بوز غروشه معلوم الكيل  
 ذخيره نك تحصيلي حكمنی حاوی اولان اعلام ابتدائيك  
 تصديقه قرار و يرلس اولوب انجق ذات دعوی  
 اراضي منازعه سندن متولد و بومقوله اراضي به  
 متعلق دعاوی و منازعاتك رؤيت و محاكمه سنده اراضي  
 مأمور يلك حضوری قانوناً لاپد بولنش اولديغي  
 و درجه اولی محكمه سنجه دعواي مجبوت عنهانك  
 سبق ايدن محاكمه سنده اراضي مأمور يلك حاضر  
 بولندر لمديغندن بختله اولبايه لاحق اولان اعلامك  
 فسخي ايجاب ايديه جي اعلام مذكور عليهنده  
 دعواي استينافيه قيام ايدن مرقومون پراشكوه  
 وانسطاش وصوه و پاوي و ايليا و ميخائل طرفلرندن  
 بيان و ادعا قلمتسرين محاكم استينافيه نك وظائف  
 اساسيه سي دخي بوكي مستأفقر طرفندن درميان  
 اولنان اعتراضاتك تدقيقه موافق اصول وقانون  
 اولديغي تقديرده بدايت اعلامنك فسخي و عكسي يعنى  
 اعلام ابتدائيك تصديق حالده دخي مستأفقر طرفندن  
 درميان ايدلمش اولان اعتراضاتك حلل و اسبابي  
 كوستر يله رك ردی مادولرندن عبارت بولنديغي جهتله  
 اماسيه محكمه سنجه دعواي واقعه نك بدايه اجرا  
 قلمتسرين محاكمه سنده اراضي مأمور يلك حاضر بولندر  
 لمديغي حقنده مستأفقر ك درميان ايلدك لري ادعا  
 نظر تدقيقه النهرق محاكمه مذكوره نك مأمور مومي  
 اليه حاضر بولتمسرين اجرا قلمتسرين تحق ايلديكي  
 تقديرده بوندن طولاي اعلام ابتدائيك فسخيله ذات  
 ماده نك مأمور مومي اليهك حضوريله تدقيقاته  
 ك ريشلمسي لازم كلور كن دعواي استينافك شو صورتله

حل و تدقيق و مدار حكم استناد اولنان ايجار و استيجار  
 سندلر يله سالف الذكر راپورتو و اعلام شرعي و طابو  
 سنداتي و اوراق ساثره نك عيناً و يا خود خلاصه  
 و يريلان اعلامه ترقيم و املا قلمسي مقتضى اولديغي  
 حاله اوراق مذكوره مأل و مندرجاتك تنظيم و اعطا  
 قلمتسرين اعلامه درج و تيق اولنغله قلمتسرين بشقه مارالبان  
 راپورتونك مواجهه طرفينده قرائت و بو بابه برديه  
 جكلري اولوب اولديغنك كندولرندن سؤال  
 و استيضاحيله محاكمه نك اصولی دأره سنده جربانه  
 دخي دقت و اعتنا قلمتسري بولسز و مخالف اصول  
 وقانون بولنش اولديغندن اصول محاكمه حقوقيه  
 قانون موقتك ايكيز او تون ايكينجي ماده سي و جينجه  
 اعلام استينافي مذكور نقض اولنغله كيفيتك  
 بوجه مشروح تدقيقاتي بعدالاجرا تين ايديه جك  
 حاله كوره حكم و قراره بطي ضمننده مذكور اماسيه  
 بدايت محكمه سنده اعاده سنده و اعلام خرجي اولان ايكيز  
 غروشه صورت و تبليغ خرجلري بولنان سكسان  
 غروشك ايلروده حقسز چيقه جق طرفه رجوع  
 ايتك اوزره اول امرده مستدعي مرقوموندن التمسنه  
 في ۲۹ محرم سنه ۹۹ تاريخده متفقاً قرار و يريله رك  
 مرقوم احمد اغايه تفهيم قلمندي

( في ۲۴ ربيع الاول سنه ۹۹ وفي ۱ شباط )  
 ( سنه ۹۷ تاريخيله محكمه تيمير حقوق دأره سندن )  
 ( ويريلان اعلام صورتيدر )

ترحاله سنجاغنده نفس يكي شهر فنار قصبه سنده  
 صوفيلر محله سنده ساكن مصطفى خيري بك ايله  
 اركري قصبه سي ساكنلرندن آسيه خانم و مخدومي  
 مرتضى باجو افندي بيننده متحدث دعوايه دائر  
 سلانيك تجارت محكمه سندن و يريلان في ۲۹ صفر

اعمالیات

دولتلو ابراهام پاشا حضرتلر نیک اوقاف همایون خزینه جلیله سنه محکوم به دینی اولان مبالغت تسویه سی ضمننده مشار الیهک بکفوز ده متصرف اولدقلری بر نومرولی لیمان و یوز فرق اوج و یوز قرق بش نومرولی صوبه لی کوشک و یاغچده سی ایله یتش بر نومرولی فرون و یتش اوج نومرولی قصاب دکان که جمعاً درت پارچه املاکنک فروختی مقرر اولغله تاریخ اعلاندن اعتباراً اون بش کون صکره مزایده سنه مبادرت اولنه حقی اسکدار بدایت محکمه سی اجرا دائره سندن اعلان اولنور

فی ۲۷ شباط سنه ۹۷

کریک تذکره لرینی ساخته کارقله تغییر واستعمال ایلدکری ادعا اولمسنندن طولایی مظنون علیه بولنانلردن فراری اوتوز یاشنده اورته بویلی ضعیف و اسمرجه و از قرال یققی و شاشیجه الاکوزلی سیوری چکهل و اچیق التلی و براز اکری و سیوری برونی ساقزلی سمسار یورکینک الده بولنان معلوم الاسامی رفیققریله برابر فعل مذکوره اجتناسار ایلدکری عند التدقیقات اکلاشلش و حرکتلری دخی قانون جزانک یوز قرق سکرنجی ماده سی حکمنی مستلزم افعال جنایه دن بولنش اولدیغندن درسعادت استیناف محکمه سی جنایت قسمنده محاکمه لری اجرا اولمق اوزره جنایتله اتهاملرینه قرار و یرلمش و مضبطه سی تنظیم واعطا قلمش و مرقومونک موقوف اولدقلری اوراق موجوده ماللرندن منضم اولمش اولغله مرقومونک اخذ و کرقلریله محکمه مذکوره حبسخانه سنه تسلیم اولمقری باینده اشبو اخذ و گرفت امری هیئت اتهامیه دن و یریلان فی ۶ ربیع الآخر سنه ۹۹ تاریخلو و اوچیوز الی التی نومرولی مذکوره اوزرینه اعلان اولنور

اتهامیه سندن تنظیم واعطا اولنان مذکوره اوزرینه اعلان کیفیته ابتدار قلندی

فی ۱۶ ربیع الآخر سنه ۹۹ و فی ۲۲ شباط سنه ۹۷

کریک تذکره لرینی ساخته کارقله تغییر واستعمال ایلدکری ادعا اولمسنندن طولایی مظنون علیه بولنان اشخاصدن یکی باغچده منجم سعیدی محله سنده طقسان نومرولی خانه ده ساکن غلظه امتعه داخلیه کریک تذکره محررلرندن چرکس الاصل قرق بش یاشنده علی یاور بن عبدالله و قاسم پاشاده اوزون یولده تحته غازی محله سنده اون بر نومرولی خانه ده ساکن درسعادت امتعه داخلیه تذکره محررلرندن محرم بن سلیمان و غلظه کریک تذکره محررلرندن الی یاشنده اوطا قیلر محله سنده ساکن محمد شاکر بن سلیمان نام کسنه لک ذکر اولنان تذکره لری ساخته کارلغنده مشارکتلری عند التدقیقات اکلاشلش و حرکتلری قانون جزانک یوز اون سکرنجی ماده سی حکمنی مستلزم افعال جنایه دن بولنش اولدیغندن درسعادت استیناف محکمه سی جنایت قسمنده محاکمه لری اجرا اولمق اوزره جنایتله اتهاملرینه قرار و یرله رک مضبطه سی تنظیم واعطا قلمش و مرقومونک موقوف اولدقلری اوراق موجوده ماللرندن منضم اولمش اولغله مرقومونک اخذ و کرقلریله محکمه مذکوره حبسخانه سنه تسلیم اولمقری باینده اشبو اخذ و گرفت امری هیئت اتهامیه دن و یریلان فی ۶ ربیع الآخر سنه ۹۹ تاریخلو و اوچیوز الی التی نومرولی مذکوره اوزرینه اعلان اولنور

فی ۱۷ ربیع الآخر سنه ۹۹ و فی ۲۳ شباط سنه ۹۷

طقسان یدی سنه سی نیساننک اون بشنجی چهارشنبه کیجه سی ساعت بر یققی راده لرنده ککبوزه قضاسنه تابع توزله قریه سی اهالیسندن بقال قوزمه نیک مسلماً دکانه بالدخول معامله جبر و شدت اجراسیله ابقه سی اخذ و غصب اولمسنندن طولایی مظنون علیه اولوب فرارده بولنان ایران دولت علیه سی تبعه سندن اسمر چهره لی اوزون بویلی علی محمد ایله ینه اوزون بویلی قره یققی رجب و قیصه بویلی اسمر چهره لی قره یققی کوچک حسین نام کسنه لک الده بولنان رفیققریله برابر وجه مشروح اوزره فعل سرقتی ایقاع ایدرک بولردن رجبک ضبطیه یوز باشیسی رفعت افندی به قتل قصدیه تشهیر سلاح ایلدیکی عند التحقیقات اکلاشلش و مرقوموندن علی محمد و حسینک حرکتی قانون جزانک ایکویز یکریمی برنجی و رجبک فعلی دخی قانون مذکورک یوز سکراننجی ماده سنک ذیلی ایله مذکور ایکویز یکرمنجی ماده سی احکامنی مستلزم افعال جنایه دن بولنش اولدیغندن درسعادت محکمه استینافیه سی جنایت قسمنده محاکمه لری اجرا قلنق اوزره جنایتله اتهاملرینه قرار و یرلمش و مضبطه دخی در دست تنظیم واعطا بولنش اولدیغندن فراری مرقومون هر زده کوریلور ایسه طوتیلوب محکمه مذکوره حبسخانه سنه تسلیمی لازم کله جکی بالجله ضابطه عدلیه مأمورلر نیک معلومی اولق اوزره اشبو اخذ و گرفت امری هیئت اتهامیه دن و یریلان فی ۹ ربیع الاول سنه ۹۹ تاریخلو و درتیوز یکریمی یدی نومرولی مذکوره اوزرینه اعلان اولنور

فی ۱۴ ربیع الآخر سنه ۹۹ و فی ۲ شباط سنه ۹۷

سنه ۹۸ تاریخی اعلامک تمیراً رؤیت و تدقیق مومی الیه مصطفی خیری بک طرفندن متفرطایله برابر اعطا قلنان عر ضحاله استدها و یکیشهر اهالیسندن متوفی حسن بک زاده راغب افندی مهربنی و فی ۲۳ شباط سنه ۹۶ تاریخی حاوی بر قطعه مصدق کفالتنامه اعطاسیله تأمینات لازمه ایفا قلمش و دعوت واقعه اوزرینه مستدعی مومی الیه مصطفی خیری بک طرفندن کرفور چتجیان افندی باسند مصدق و کاله ومدعی علیهمادن مومی الیه مرتضی باجو افندی اصالة کله رک اصیل مومی الیه والده سی آسیه خاتم طرفندن و کالت و آخری توکیله مأذونیتی ابراز ایلدیکی سند مصدق له اثبات ایتدکن صکره بالاصاله و بالوکاله طروس سراجیان افندی بی مسجلاً توکیل ایتش اولدیغندن تعلق دعوی حسبیه باش مدعی عمومیلک معاونلرندن یورغاک افندی حاضر اولدیغنی حالده تدقیقات تمیریه اجراسنه ابتدار و اوراق لازمه و کیلان مومی الیهما کرفور و طروس افندیلر مواجهه سنده قرائله ادعا و افاده لری کندولرندن استفسار اولندی اعلام مذکورک خلاصه مندرجاته نظراً مومی الیهما آسیه خاتم و مرتضی باجو افندی بکیشهر تجارت محکمه سنده بحسب الکفاله مومی الیه مصطفی خیری بکدن ادعا ایلدکری بیک اوچیوز عدد لیرای عثمانی بی حاوی اولان التی قطعه سنندک ترکی و رومی عبارلردن مرکب اوله رق ایکی لسان اوزرینه تنظیم ایلمش اولمسنندن ناشی مهرايله احکامی تأیید ایلماش اولان بالارنده کی رومی عباره لده اگرچه امرینه شرطی محرر ایسه ده زیرینه وضع مهر ایله تصدیق اولنش اولان ذیلرنده سی ترکی عبارات ایله محرردیکر شرحلرده اوله بر شرط موجود اولدیغنی مثلاً مبالغ (بقیه سی صکره)

صالح شوکت بك ايله همشيره سی عایشه شفیقه خانمك اغوب متولیان زوجه سی اقتیک خاتونه  $\frac{۹۸}{۲۵۱}$  نومرولی اعلام موجبجه دینلری اولان مبالغ معلومه نك تسویه سی ضمننده قبا طاشده اوطون انباری قارشوسنده قره باغلی جاده سنده ۲۶ نومرولو بر باب خانهلری لدی۔ المزایده لیرا یوز غروشیدن اوتوز بر بیک بشیوز غروشده طالبی عهدہ سنده تقرر ایلدیکندن تاریخ اعلاندن اعتباراً اوتوز بر کون ظرفنده تقرر ایدن مذکور بدل اوزرینه یوزده بش ضمیمه طالب اولانلرک بك اوغلی بدایت محکمه سی اجرا دائره سنه مراجعت ایللری اعلان اولنور

فی ۲۱ کانون ثانی سنه ۹۷

خرینه آرقه سنده اون نومرو ايله مرقم متصرفه اولدیغی بر باب خانه سی اوجیک غروش بدل ايله طالبی عهدہ سنده تقرر ایلدیکندن اشبو طقسان یدی شباطی اوچنجی کونندن طقسان سکر سنه سی مارتی اوچنجی کوننه قدر اوتوز بر کون ظرفنده تقرر ایدن بدل مذکور اوزرینه یوزده بش ضمیمه طالب اولانلرک بك اوغلی بدایت محکمه سی اجرا دائره سنه مراجعت ایللری اعلان اولنور

فی ۴ شباط سنه ۹۷

اسـتيفانك  $\frac{۹۹}{۱۷}$  نومرولی اعلام موجبجه شاکر بکه دینی اولان مبالغ معلومه نك تسویه سی ضمننده مديون مر قومك باغچه قپوسنده شیخ محمد کبلانی محله سنده شایجی خانی دروننده یکر می الی نومرو ايله متصرف اولدیغی بر باب اوطه سی تاریخ اعلاندن اعتباراً اون بش کون صکره بالمزایده فروخت اولنه جغی بك اوغلی بدایت محکمه سی اجرا مأموریتی طرفندر اعلان اولنور

فی ۱۶ شباط سنه ۹۷

فاطمه خانمك متوفاة النوقا دین ورثه سی طودوری وینایوط ذمترلنده با اعلام الاجغی اولان مبالغه مقابل داینه عهدہ سنه وفاء فراغ ایدلش اولان قوز غتجقده ایجادیه جاده سنده ایکیوز ایکی نومرولی بر باب عرصه نك فروختی محکوم اولغله تاریخ اعلاندن اعتباراً اون بش کون صکره مزایده سنه مبادرت اولنه جغی اسکدار اجرا دائره سنندن اعلان اولنور

فی ۱۲ شباط سنه ۹۷

فخری افندیك حلیم افندی به  $\frac{۹۸}{۱۲۵}$  نومرولی اعلام موجبجه دینی اولان مبالغ معلومه نك تسویه سی ضمننده مديون مومی الیهك بشکطاشده سنن پاشای عتیق محله سنده طاش اسکله زقافنده ۳۹ و ۴۳ نومرولو ایکی باب قالیخانه ايله ۴۱ نومرولو بر باب ساحلخانه ده متصرف اولدیغی ربع حصه شایعه سی تاریخ اعلاندن اعتباراً اون بش کون صکره بالمزایده فروخت اولنه جغی بك اوغلی بدایت محکمه سی اجرا دائره سی طرفندر اعلان اولنور

فی ۲۴ شباط سنه ۹۷

طاطاوله لی متوفی خرستو اسقولیقاکی قلفه نك زوجه سی استمطاوله قادیك بك اوغلی  $\frac{۹۵}{۱۱۷}$  نومرولی اعلام موجبجه جهت کفالتدن طاشجی احمد اغایه دینی اولان مبالغ معلومه نك تسویه سی ضمننده مديونه مز بوره نك طاطاوله ده اقرارجه جاده سنده